



SLUŽBENE NOVINE FEDERACIJE BOSNE I HERCEGOVINE

Godina VII - Broj 38

Ponedjeljak, 2. listopada/oktobra
2000. godine
S A R A J E V O

Preplata za II polugodište 2000.
uključujući i preplatu za
"Službeni glasnik BiH": KM 100. -

Na temelju članka 67. Zakona o postupku upisa pravnih osoba u sudski registar ("Službene novine Federacije BiH", broj 4/00), Vlada Federacije Bosne i Hercegovine na prijedlog federalnog ministra pravde, donosi

UREDBU

O DOPUNI UREDBE O UPISU U SUDSKI REGISTAR PRAVNIH OSOBA KOJE OBavljuju GOSPODARSKU DJELATNOST

Članak 1.

U Uredbi o upisu u sudski registar pravnih osoba koje obavljaju gospodarsku djelatnost ("Službene novine Federacije BiH", br. 12/00 i 16/00), u članku 2. iza stavka 1. dodaje se novi stavak 2. koji glasi:

"Po odredbama ove uredbe vrši se i upis javnih korporacija koje se osnivaju prema Zakonu o javnim korporacijama osnovanim prema Aneksu 9. Općeg okvirnog sporazuma za mir u Bosni i Hercegovini ("Službene novine Federacije BiH", broj 18/00), (u daljem tekstu: Zakon o javnim korporacijama) i uspostavlja se Specijalni registar za javne korporacije.

Dosadašnji stavak 2. postaje stavak 3.".

Članak 2.

Iza članka 44. dodaje se novi podnaslov i članak 44a. koji glase:

13. Upis u sudski registar javnih korporacija

Članak 44a.

Uz prijavu za upis u sudski registar osnivanja javne korporacije, prilaže se:

1. Sporazum o osnivanju javne korporacije ovjeren od strane javnog bilježnika;
2. Statut;
3. Ovjeren potpis osobe ovlaštene za zastupanje i predstavljanje;
4. Popis članova upravnog odbora;
5. Akt o imenovanju ravnatelja ili vršitelja dužnosti ravnatelja".

Članak 3.

U članku 73. u stavku 1. iza točke 3. dodaje se nova točka 4., 5. i 6. koje glase:

4. Upisnik sudskog registra javnih korporacija
5. Registro subjekata upisa javnih korporacija
6. Zbirka isprava subjekata upisa javnih korporacija".

Članak 4.

Iza članka 86. dodaje se novi podnaslov i članak 86a. koji glase:

6. Specijalni registar za javne korporacije

Članak 86a.

U knjige sudskog registra iz članka 73. stavak 1. toč. 4., 5. i 6. ove uredbe, upisuju se samo javne korporacije koje se osnivaju prema Zakonu o javnim korporacijama.

Odredbe čl. 74. do 86. Uredbe, primjenjuju se i na knjige sudskog registra iz stavka 1. ovog članka.

Knjige sudskog registra iz stavka 1. ovog članka, čuvaju se odvojeno od knjiga sudskog registra iz članka 73. stavak 1. toč. 1. do 3. Uredbe".

Članak 5.

Knjige sudskog registra vodi samo Kantonalni sud Sarajevo za sve javne korporacije koje su osnovane po Zakonu o javnim korporacijama.

Članak 6.

Ova uredba stupa na snagu narednog dana od dana objavljivanja u "Službenim novinama Federacije BiH".

V broj 232/2000
21. rujna 2000. godine
Sarajevo

Premijer
Edhem Bičakčić, v. r.

Na osnovu člana 67. Zakona o postupku upisa pravnih osoba u sudski registar ("Službene novine Federacije BiH", broj 4/00), Vlada Federacije Bosne i Hercegovine na prijedlog federalnog ministra pravde, donosi

UREDBU

O DOPUNI UREDBE O UPISU U SUDSKI REGISTAR PRAVNIH OSOBA KOJE OBavljuju PRIVREDNU DJELATNOST

Član 1.

U Uredbi o upisu u sudski registar pravnih osoba koje obavljaju privrednu djelatnost ("Službene novine Federacije BiH", br. 12/00 i 16/00), u članku 2. iza stava 1. dodaje se novi stav 2. koji glasi:

"Po odredbama ove uredbe vrši se i upis javnih korporacija koje se osnivaju prema Zakonu o javnim korporacijama osnovanim prema Aneksu 9. Općeg okvirnog sporazuma za mir u Bosni i Hercegovini ("Službene novine Federacije BiH", broj

18/00), (u daljem tekstu: Zakon o javnim korporacijama) i uspostavlja se Specijalni registar za javne korporacije. Dosadašnji stav 2. postaje stav 3."

Član 2.

Iza člana 44. dodaje se novi podnaslov i član 44a. koji glase:

"**13. Upis u sudski registar javnih korporacija**

Član 44a.

Uz prijavu za upis u sudski registar osnivanja javne korporacije, prilaže se:

6. Sporazum o osnivanju javne korporacije ovjeren od strane javnog bilježnika;
7. Statut;
8. Ovjeren potpis osobe ovlaštene za zastupanje i predstavljanje;
9. Popis članova upravnog odbora;
10. Akt o imenovanju direktora ili vršioca dužnosti direktora".

Član 3.

U članu 73. u stavu 1. iz tačke 3. dodaje se nova tač. 4., 5. i 6. koje glase:

4. Upisnik sudskog registra javnih korporacija
5. Registr subjekata upisa javnih korporacija
6. Zbirka isprava subjekata upisa javnih korporacija".

Član 4.

Iza člana 86. dodaje se novi podnaslov i član 86a. koji glase:

"**6. Specijalni registar za javne korporacije**

Član 86a.

U knjige sudskog registra iz člana 73. stav 1. tač. 4., 5. i 6. ove uredbe, upisuju se samo javne korporacije koje se osnivaju prema Zakonu o javnim korporacijama.

Odredbe čl. 74. do 86. Uredbe, primjenjuju se i na knjige sudskog registra iz stava 1. ovog člana.

Knjige sudskog registra iz stava 1. ovog člana, čuvaju se odvojeno od knjiga sudskog registra iz člana 73. stav 1. tač. 1. do 3. Uredbe".

Član 5.

Knjige sudskog registra vodi samo Kantonalni sud Sarajevo za sve javne korporacije koje su osnovane po Zakonu o javnim korporacijama.

Član 6.

Ova uredba stupa na snagu narednog dana od dana objavljivanja u "Službenim novinama Federacije BiH".

V broj 232/2000

21. septembra 2000. godine

Premijer

Sarajevo

Edhem Bičakčić, s. r.

Na temelju članka 19. stavak 2. Zakona o Vladi Federacije Bosne i Hercegovine ("Službene novine Federacije BiH", br. 1/94 i 8/95), Vlada Federacije Bosne i Hercegovine, donosi

ODLUKU

O ODREĐIVANJU METODA PRIVATIZACIJE UDJELA HOLDING PODUZEĆA UNIS DD SARAJEVO U ZAJEDNIČKOM ULAGANJU SA VOLKSWAGEN AG

I

Ovom odlukom određuje se metod privatizacije udjela Holding poduzeća Unis dd Sarajevo u temeljnog kapitalu Volkswagen d.o.o. Sarajevo koje je osnovano zajedničkim ulaganjem sa Volkswagen AG.

II

Udio Holding poduzeća Unis dd Sarajevo u Volkswagen d.o.o. Sarajevo privatiziraće se metodom javnog prikupljanja ponuda (tender) u velikoj privatizaciji.

III

Prigodom utvrđivanja kriterija za ocjenu ponuda potrebito je poštivati odredbe ugovora o zajedničkom ulaganju sa tvrtkom Volkswagen AG kao inostranim ulagačem i zaštititi interes državnih dionika Holding poduzeća Unis dd Sarajevo neposredno vezanih za ovaj projekt.

IV

Ova odluka stupa na snagu narednog dana od dana objave u "Službenim novinama Federacije BiH".

V broj 234/2000

28. rujna 2000. godine

Sarajevo

Premijer
Edhem Bičakčić, v. r.

Na osnovu člana 19. stav 2. Zakona o Vladi Federacije Bosne i Hercegovine ("Službene novine Federacije BiH", br. 1/94 i 8/95), Vlada Federacije Bosne i Hercegovine, donosi

ODLUKU

O ODREĐIVANJU METODA PRIVATIZACIJE UDJELA HOLDING PREDUZEĆA UNIS DD SARAJEVO U ZAJEDNIČKOM ULAGANJU SA VOLKSWAGEN AG

I

Ovom odlukom određuje se metod privatizacije udjela Holding preduzeća Unis dd Sarajevo u osnovnom kapitalu Volkswagen d.o.o. Sarajevo koje je osnovano zajedničkim ulaganjem sa Volkswagen AG.

II

Udio Holding preduzeća Unis dd Sarajevo u Volkswagen d.o.o. Sarajevo privatiziraće se metodom javnog prikupljanja ponuda (tender) u velikoj privatizaciji.

III

Prilikom utvrđivanja kriterija za ocjenu ponuda potrebno je poštivati odredbe ugovora o zajedničkom ulaganju sa firmom Volkswagen AG kao stranim ulagačem i zaštititi interes radnika Holding preduzeća Unis dd Sarajevo neposredno vezanih za ovaj projekt.

IV

Ova odluka stupa na snagu narednog dana od dana objavljivanja u "Službenim novinama Federacije BiH".

V broj 234/2000

28. septembra 2000. godine

Sarajevo

Premijer
Edhem Bičakčić, s. r.

Na temelju članka 95. stavak 1. Zakona o osnovama socijalne zaštite, zaštite civilnih žrtava rata i zaštite porodica sa djecom ("Službene novine Federacije BiH", broj 36/99), Vlada Federacije Bosne i Hercegovine, donosi

ODLUKU

O UTVRĐIVANJU NOVČANIH IZNOSA KOJI ĆE SE NAPLAĆIVATI U TOKU CIJELOG MJESECA LISTOPADA 2000. GODINE NA TERITORIJI FEDERACIJE BOSNE I HERCEGOVINE ZA "DJEĆIJI TJEDAN"

I

Ovom odlukom utvrđuje se novčani iznos koji će se naplaćivati u tijeku cijelog mjeseca listopada 2000. godine na teritoriji Federacije Bosne i Hercegovine za "Dječiji tjedan", i to:

- 1% na prodatu prometnu kartu u međunarodnom željezničkom, brodskom, avionskom i autobuskom saobraćaju;
- 20% na poštanske pošiljke u unutarnjem prometu, osim na pošiljke tiska i časopisa;
- 1% na prodatu ulaznicu za pozorište, kino, druge kulturne manifestacije i športske priredbe za koje se naplaćuju ulaznice;
- 1% na prodatu gramofonsku ploču, muzičku kompaktdisk i video kazetu.

II

Naplaćene novčane iznose iz točke 1. ove odluke, gospodarsko društvo, poslodavci i druge pravne i fizičke osobe, koje vrše naplatu na području kantona, dužna su uplatiti te iznose u proračun kantona do 15. studenog 2000. godine, ako propisom kantona nije drugačije utvrđeno.